

山南縣志卷之八

藝文志上

文之重於志乘也或爲前輩之著述或爲名流所
留題皆必有闕於此邦之故實乃得指而口之曰
此某邑藝文也邑之遺文散佚已久畢之羅之類
而編之言在上抗顏直諫足以立懦而廉頑言在
下含毫邈然庶幾披華以振秀不朽事業藏之名
山尤所望於後賢之踵起志藝文

誥勅

國朝

贈河南商水縣知縣王敬公父母勅

制曰資父事君臣子篤匪躬之義作忠以孝國家宏錫類之恩爾王璠乃河南開封府商水縣知縣王敬公之父善積於身祥開厥後教子著義方之訓傳家裕堂構之遺茲以覃恩封爾爲文林郎河南開封府商水縣知縣於戲殊榮必逮於所親寵命用光夫有子尙宏佑啟益勵忱忱

制曰人臣報本之恩不殊於先後國家錫類之典無間

於有亡爾河南開封府商水縣知縣王敬公前母
氏修厥蠶餼衍爲家慶念子情之難替宜母德之載
彰茲以覃恩贈爾爲孺人於戲采絢華綸流鴻庥於
奕葉榮施冥漠表景祐於松楸

制曰奉職在公嘉教勞之有自推恩將母宜錫典之攸
斷爾河南開封府商水縣知縣王敬公母龐氏壺範
宜家夙協承筐之媿母儀貽穀載昭畫荻之規茲以
覃恩封爾爲孺人於戲彰淑德於不瑕式榮象服膺
寵命之有赫益貴徽音

商水縣志 卷之六 藝文 二
授河南商水縣知縣王敬公同裏張氏勅

制曰錫類推恩朝廷之大典分猷亮采臣子之常情爾
河南開封府商水縣知縣王敬公職任花村才堪良
吏清廉克彰平庶事慈惠允著於常官慶典適逢新
綸宜沛茲以覃恩授爾爲文林郎於戲宏敷章服之
榮用勵靖其之誼欽茲寵命懋廼嘉猷

制曰恪恭奉職良臣旣殫厥心貞順宜家淑女爰從其

貴爾河南開封府商水縣知縣王敬公妻張氏含章

協德令儀夙著於閨闈運勉同心內治相成於夙夜

茲以覃思封爾爲孺人於戲龍章載煥用褒敬戒之
勤耄弗欽承益勵柔嘉之則

康熙六年十一月二十六日

贈行人司行人王敬公父母勅

制曰宜猷服采中朝抒報最之忱錫類推恩休命示酬

庸之典爾王璫乃行人司行人加一級王敬公之父

令德踐修義方夙著詩書啟後用彰式穀之風弓冶

傳家克作教忠之則茲以覃思贈爾爲文林郎行人

司行人加一級錫之勅命於戲篤生杞梓之材功歸

庭訓丕煥絲綸之色澤及泉臺

制曰坤貞叶德芳聲輿播於中閭英命揚休渥澤自施
於朝宇爾行人司行人加一級王敬公前母孫氏終
溫且惠旣儉而勤蘋藻宜家蚤著有齊之美珩璜表
德猶傳相儆之言茲以覃恩贈爾爲孺人於戲令儀
如在上邀綸綍之光寵慶聿頒用慰栢椿之念

制曰爵列於朝已食教勞之報寵綏及下寧遺鞠育之

之爾行人司行人加一級王敬公生母龐氏柔嘉成

茂淑慎其儀身謝鉛華贊素風於夙夜動嫺規矩著

寵擢於閭闔茲以覃恩封爾爲孺人於戲昭母因子
貴之恩表善則歸親之義受茲譽命勵爾芳型

授行人司行人王敬公同妻張氏勅

制曰納賈陳詩爰重輶軒之選宣威布德允資旌節之

司爾行人司行人加一級王敬公勤能稱職敏足宜

猷主事獨勞諮五善而每懷靡及君言不宿使四方

而拜命邁行茲以覃恩授爾爲文林郎錫之勅命於

戲駢駢四壯式昭輯懌之辭奕奕五章應服寵綏之

慶

制曰丕績奏於中朝端賴闔家之助寵章頒至褒典宜
分齊體之榮爾行人司行人加一級王敬公妻張氏
早習女儀克修婦職雞鳴交儆既祇節於素絲蠶績
執勞用邀恩於紫綬茲以覃恩封爾爲孺人於戲巾
袿彰和順亡風鸞書誕貴延陞煥褒嘉之盛象淑茂
膺

康熙二十三年九月二十四日

贈江南鎮海衛金山幫領運千總李珪祖父母勅

制曰策勲疆圉遡大父之恩勅錫賚絲綸榮典朝之露

澤爾本請乃江南鎮海衛金山幫領運千總李珙之
祖父敬以持躬忠能啟後威宜閩外家傳韜畧之寶
澤沛天邊國有旂常之典茲以覃恩賜贈爾爲昭
校尉錫之勅命於戲我武維揚特起孫枝之秀賞延
於世益徵遺緒之長

制曰樹豐功於行陣業著聞孫錫介福於遼韓恩推大
母爾江南鎮海衛金山幫領運千總李珙之祖母張
氏壺儀足式令問攸昭振劍佩之家聲輝流奕世播
絲綸之國典慶衍再傳茲以覃恩賜贈爾爲安人於

戲翟弗用光膺宏休於天闕龍章載煥錫大惠於重泉

乾隆十六年十一月二十五日

贈江南鎮海衛金山幫領運千總李珮父母勅

制曰寵綏國爵式嘉閭閻之勞蔚起門風用表庭幃之訓爾李永泰乃江南鎮海衛金山幫領運千總李珮之父義方啟後穀似光前積善在躬樹良型於弓冶克家有子拓令緒於韜鈴茲以覃恩贈爾爲昭信校尉錫之勅命於戲錫策府之徽章洵承恩澤荷天家之休命永賁泉壙

制曰怙恃同恩人子勤思於將母起桓著績王朝錫類
以榮親爾江南鎮海衛金山帶領運千總李靖之母
楊氏七誠嫻明三遷勤篤令儀不忒早流珩璫之聲
慈教有成果見干城之器茲覃恩贈爾爲安人於戲
錫龍綸而煥采用答劬勞被象服以承休永光泉壤

乾隆十六年十一月二十五日

贈福建惠安縣知縣馬淮祖父母勅

制曰考績報循良之最用獎臣勞推恩溯積累之遺載
揚祖澤爾生員馬協乃現任福建泉州府惠安縣知

縣馬淮之祖錫光有慶樹德務滋嗣清白之芳聲澤
留再世衍弓裘之令緒祐篤一堂茲以覃思貽贈爾
爲文林郎福建泉州府惠安縣知縣錫之勅命於戲
聿修念祖膺茂典而益勵新猷有穀貽孫發幽光而
丕彰潛德

制曰禮由義起宏孝治於中閨命自天申賁榮施於大

庠爾乃現任福建泉州府惠安縣知縣馬淮之祖母

如德懋蘭儀光生槐蔭珩璜作則式垂淑慎之型

若流芳丕振光緒茲以覃思貽贈爾爲

於戲書煥采合彤史以揚休象
瓊瓏荷雲華而永慶

福建惠安縣知縣馬淮父母勅

制曰永治在親民之吏端重循良教忠勵資敬之忱聿

隆褒獎爾增生馬以茂乃現任福建泉州府惠安縣

知縣馬淮之父裋躬淳厚垂訓端嚴業可開先式穀

乃宣猷之本澤堪啟後貽謀裕作牧之方茲以覃恩

封爾爲文林郎福建泉州府惠安縣知縣錫之勅命

於戲克承清白之風嘉茲報政用慰顯揚之志俾以

殊榮

制曰朝廷重民社之司功推循吏臣子凜冰淵之操教
本慈幃爾乃福建泉州府惠安縣知縣馬淮之母黃
氏淑慎其儀柔嘉維則宜訓誥於朝夕不忘育子之
勤集慶澤於門閭式被自天之寵茲以覃恩封爾爲
孺人於戲仰酬顧復之恩勉思撫字載煥綵綸之色
用慰劬勞

乾隆三十六年十一月二十五日

贈山東費縣教諭王所父母勅

制曰任使需才稱職志在官之美馳驅奏效報功庸錫
類之仁爾王仙枚乃山東沂州府費縣教諭王所之
父雅尚素風長迎善氣乃治克勤於庭訓箕裘丕祚
夫家聲茲以覃恩貤封爾爲修職郎山東沂州府費
縣教諭錫之勅命於戲肇顯揚之盛事國典非私酬
燕翼之深情臣心彌勵

制曰奉職無愆懋著勤勞之績致身有自宜酬鞠育之
恩爾許氏乃山東沂州府費縣教諭王所之母淑範
宜家令儀昌後蚤相夫而教子俾移孝以作忠茲以

覃恩賜贈爾爲八品儒人於戲賁象服之端嚴誕膺鉅典錫篋章之煥汗永播徽音

乾隆四十二年五月初三日

贈山東濟南府學訓導孫汝彥父母勛

勛曰任使需才稱職志在官之美馳驅奏效報功膺錫類之仁爾孫際平乃山東濟南府學訓導孫汝彥之父雅尙素風長迎善氣弓冶克勤於庭訓箕裘丕裕家聲茲以覃恩賜贈爾爲修職儒郎山東濟南府學訓導錫之勅命於戲肇爾錫之盛事國典非私

無翼之深情臣心彌勵

臣等勸奏績膺寵命於朝廷渙汗敷恩闡幽光於母氏爾劉氏乃山東濟南府學訓導孫汝彥之前母懿儀不忒慈範彌昭諸早歲之倡隨啟後人之昌大茲以覃恩賜贈爾爲八品孺人於戲播芳型於彤管有命自天賁嘉寵於黃壚永綏厥祉

制曰佐庶司之經理爰獎通才勸百爾之孝思用享終綏爾李氏乃山東濟南府學訓導孫汝彥之繼母德可型家恩能育子顧復無殊於所出榮光適逮於乃身